

“शान्त, समृद्ध, स्वावलम्बी पिहितौ नेपाल खास्की कानको हौंस्ले,  
विभेद, बेरोजगारी ङ भष्टाचार म्हास्के ‘हुट खाटाक्च’ चिन्हाङ भोट याहाके !”

# राष्ट्रिय जनमुक्ति पार्टी

(RASTRIYA JANAMUKTI PARTY)



चुनाव चिन्ह ‘हुट खाटाक्च’

प्रतिनिधि सभौ निर्वाचन - २०८२

**नागरिक दूक-दूरी (मगर दुट)**

राष्ट्रिय जनमुक्ति पार्टी

केन्द्रीय प्रकाशन विभाग

janamukti48@gmail.com

Facebook.com/janamukti, Twitter.com/janamukti

www.facebook.com/Rastriya Janamukti Party

www.janamukti.org

मिडिनी डोजेभोज्या, डईबहिनीको ।

२०८२ फागुन २१ याकाड छान्च प्रतिनिधि सभौ निर्वाचन पट्ट नेपालीकई चोड्की पच छाना । नेपालकी पट्टडेनाड सेछ, ल्होडाक्च जनताकोके सुठै भ्यूल छियाक्चलखा कठान डाम ३६ ल्हेस अघेर फुन्च राष्ट्रिय जनमुक्ति पार्टीलकिकड निर्वाचनाड चुनावी डकठुरीडेनाड नागरिक दूक-ठुरी लाम राहामे । लहौ नागरिक चोड्चै मिलुकडी सेछ काजुसाड कालेडेम भर लामने ।

१) लिस सेन ल्होड्ले ?

कुसैर लिस सेछ छान्की अघ्यार लिस काट छान्च सर्तौं क्वाट्च आले । ढलिड कईरन, ढलिड दूट, ढलिड रोस, ढलिड ढर्म लेच लिस नेपालाड पट्टऊ हुट हट्टै पट्टऊ दूट सासन चहडिस्मले । होड्च सर्त लाच मोडलाड कानको मन्डीले ।

२) चहिंऊ संघीय मोडेल ठिक ले ?

नेपाल ल्होड्च, सेछकठा लीसकी काट खास्म आल्च युं राक्चनै राष्ट्रिय जनमुक्ति पार्टी आले । संघीयता चहस्ले डेम पट्टडेनाड अघ्यार दूक सोटाक्च ईस पार्टीन आले । २०७२ वऊ संविधाने याहाच संघीय मोडेल मास्च ले डेम पट्टकोके होंस्म राहामे । लिसाड लेच पट्टयापकोकी डाकी माह्योक्ने । संघीयता राहाच चु ल्हेस टाहा हिर माछाना । होड्बाटै लोयाट याहाच राज्य पूनर्सरचना आयोग खास्म होसेई होंस्च संघीय मोडलाड आन्की (नुड्की) पर्ले । ईसाड कान सहमत ले ।

३) प्रत्यक्ष कार्यकारी आवश्यक ले ?

नेपाल काट बहुलवादी गुईया लेच लिस आले । मिटालुवाड काट भर्मी म्बु (राष्ट्रपति) छान्च डेनाड कलस्टराड लेच राष्ट्रपति मन्डल सेछ छान्ते । जसकी संसदै आरसालले । कार्यकारी (प्रधानमन्त्री) प्रत्यक्ष जुटाक्च, हितानमन्डल, साँसद, साँसद माछान्च भर्मिकोके खास्च सेछ छान्ते । होजाट्मन प्रदेसाड ड मुख्यमन्त्रीऊ प्रत्यक्ष जुटाक्च सेछ छान्ते । कान ईसेऊखाटीर सहमत ले ।

४) भ्रस्टाचार कुजाट्म ठहासके ?

नेपालाड कुसासन, गरीबी, बेरोजगारी, परनिरर्भता ड नागरिककुड पेलिस नुड्की पच भ्रस्टाचारै आले डेच पट्टकी ठाहा ले । मनह्याड भ्रस्टाचार पलभपलभ ल्होड्म गुमस्टालेखा छान्म भ्यामे । ईसकी म्हासके मेलिस नीति खास्म कडा प्याक याहाकी पर्ले । पार्टी फुन्चलकिकड भ्रस्टाचारकी नैतिक अपराध माहाले मेलिसद्रोह सरहन अपराध आले । भ्रस्टाचार घोम माहाले माजीच नीति लागु जाट्च अठोट लामे । भर्मिकुड म्हासाड २०७६ जेठ १५ लकिकड भ्रस्टाचार

म्हास्व मेलिसिया अभियानदरी केट्मनले । राष्ट्रिय जनमुक्ति पार्टीए मेलहौ सासनौ बाङ्गा ल्हेसाडन भ्रस्टाचार म्हास्म भ्रस्टाचारौ प्रकरनौ छिनाफानो, भ्रस्टाचारीकी मेलिसद्रोही डक जाट्चै होसकुड सम्पत्ति मेलिसियौ दुकुटीयाड डाच कान प्रबिद्ध ले ।

५) मेलिसौ औद्योगिकरण कुजाट्म केट्ले ?

नेपालकी औद्योगिकरणौ जुगाड जाक्म आल्च डक कानई जाट्मनले । मन्त्याड औद्योगिकरणौ कानुड मेलहैन रैठाने मोडेल छान्ते । नेपालाड डूप्च कच्चा पदार्थाड लेच उद्योगै ल्होडच कानुड डेच ले । सामान पेलिस बिरिन्च उद्योगकी लगानी कठान डुस्चै सुरछा पक्का जाट्ले । मेलिसकी चहस्व सामाग्री उत्पादन जाट्म मन्त्याड कच्चा पदार्थ राक्की पर्चाड सहूलियत भन्सार खाटाक्ते । आत्मनिर्भर ड बाहिरी बिरिन्च औद्योगिक ल्होड्चौ खाटीर कान प्रतिबद्ध ले ।

६) लगानी व्यवस्था ड वैदेशिक ऋणाड कुड्च नीति ले ?

नेपालाड पट्ट छेत्राड लगानी खाटान खर्चौखाटीर पेलिसौ ऋन लाच काजुसै मेलिस संकटाड टाहामले । ईडच काजुस मालाच होटर्न खर्च जाट्की पेलिसौ ऋन लाच काजुसकी मन्डीकी माछान्ते । स्याटाक्च परियोजनाकोकी खाटीर बाड, भर्मिवऊ बरोबर लगानीलेच सोममिहिल अर्थ प्रणालीऊ मोडेल केटाक्की कानको प्रतिबद्ध ले ।

७) रोजगारौ ड रेमिटान्सड हि जाट्की ?

रोजगारौ खाटीर मेलिस, पेलिसवऊ मेठोरलोककी बरोबराड ल्होडाक्ते । पेलिसऊ रोजगारीवऊ सर्त, काजुस जाट्की ह्योक्च, काजुस जाट्चकुड मनिटा, लोहौ सुरछा जाटाक्ते । ईसाड बाडैन डक्की पर्ले । करकाप, लोभलालाचाड भ्रमाड पारिम पेलिसाड आल्च काजुसकी क्हाड्च अपराधी डेम होसअनसार प्याक्के याहाके पर्ले । रेमिटान्सकी मेलिसकी चहस्व ल्होड् चाड लैडिकी नीतिको लाले । भिन्टौ कुसैर ठाडाड नेपालीकई सुर मालेलखा छान्म जिवाकी पर्च राहाकी मायाहाचाड कान प्रतिबद्ध ले ।

८) नागरिक्ता सढाकिन कुड्च छान्ते ?

जसेर पेलिसाड लेनाड ड नेपाली नागरिक्ता डाच काजुस जाट्की पर्ले । मेलहैन नागरिक्ता डास्व बाहेक कुसैईर नेपालीकुड नागरिक्ता डासाक्की माछान्ते । बंसजौ म्यारमिनाड लाच नेपाली नागरिक्ताऊ हक पक्का जाट्च कान अभिभारा लाले ।

९) संविधान र्वल रिक्की जरुर लेकी माले ?

नेपालौ संविधानाड अढिक्का कमीकमजोरीको ले । मन्त्याड संविधान लोहोम कुसेर

अन्तरिम संविधान राक्की पाच काजुस ठिक माछान्ले। चेकोजा संवैधानिक परिपाटीऊ संशोधनऊ काजुसै जा माखाट्ले। संविधान याहाचनिकलकिडनै कानै सोटाकम राक्च मुद्धा संविधानाड खंल रिक्की पर्ले डेच आर्मेटाक्ले।

१०) कानुड प्रतिबद्धता ।

प्रतिनिधि सभौ निर्वाचन २०८२ याड राष्ट्रिय जनमुक्ति पार्टीवऊलकिड नेपाली नागरिककोखाटा दुक जाटके जाक्च ईसन आले। राष्ट्रिय जनमुक्ति पार्टी २०४७ ल्हेसाड फुन्म २०४८ ल्हेसौ कासरा संसदीय चुनावलकिड लगातार लोकतान्त्रिक पद्धतिखाटा ताराप लाहाचै राहामे। लोच्च लाम्, घाड्च अनुभव योस्चै राजनैतिक दल लकिड् पट्टन निर्वाचनाड डाकढरी भर्मिकुड म्हासाड डाचै राहामनले। कान चहींऊ निर्वाचन म्हीनिडौ मेलिसिया निर्वाचनाड राष्ट्रिय जनमुक्ति पार्टीए जनताकुड म्हासाड डाक्च, डाकटुरीयाड रिक्च लोहौ जाट्च डाक्चाड खंल कटिबद्ध ले।

खंल ईसे नागरिक डाकटुरीलकिड जाट्च कानुड युं मेलिसिया एजेन्डाड बहस, छलफल, दूक जाटकी सन्देस टाहाक्की मेल्हौ नागरिक दायित्व ओलाक्की कान जोडदार टाकिटा जाट्ले। नेपाली नागरिककोई चहींवऊ निर्वाचनाड हुट खाटाक्च चिन्हाड भोट याहाम सदन, बाडाड, जाक्केडेनाड लामाडढरी जनताकुड पहेरेदार छान्म अघ्यार ल्होडचैढरी प्रतिबद्धता जाट्ले।

२०८२ माघ १६ गते (सहिद दिवस)



टोप अस्लामी  
(महासचिव)



केशव सूर्यवंशी  
(अध्यक्ष)